



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Epistola IV. Nicolai Papae II. Ad Evmdem. In gratiam recipitur, & monetur  
vt cum duce N. pacem ineat.

**urn:nbn:de:hbz:466:1-15625**

## EPISTOLA IV.

## NICOLAI PAPÆ II.

AD EVMDEM.

In gratiam recipitur, & monetur ut cum duce N.  
pacem ineat.

*Nicolaus seruus seruorum Dei Geruasio venerabili archiepiscopo  
salutem & apostolicam benedictionem.*

**Q**VIA referente filio nostro G. te in fidelitate beati Pe-  
tri persistere, eiusque auctoritati per omnia reueren-  
ter assurgere comperimus, paterna caritate sicut carissi-  
mum filium amplectimur, & amplectendo toto mentis  
affectu diligimus. Denique quamdiu te fidelem filium ex-  
hibebis, nostra paternitas tibi nusquam deerit; imo de-  
bita caritate suffragabitur, nostraque auctoritate incel-  
santer tuebitur. Quod de episcopo Siluanectensi nobis  
per filium nostrum mandasti, quia canonicum est, cum  
eodem filio nostro tibi concedimus. Neque enim iustitiae  
contraire volumus, pro qua mori, si necesse sit, lucrum  
putamus. Ceterum de nostro aduentu in Franciam nul-  
lam ad præsens tibi scribimus certitudinem. Cum autem  
ad te noster filius venerit, ipse tam de hoc quam de om-  
nibus aliis te certificabit. Mandamus autem & præcipi-  
mus, quatenus cum duce carissimo filio nostro pacem in-  
neas, ut tui ad nos secure valeant venire, nosque eos pos-  
simus audire: nolumus etenim duos tam carissimos fi-  
lios in discordia manere.

## NOTA.

Epistola quædam Geruasii ad Nicolaum II. extat in fine illa-  
rum quæ cum epistolis Gerberti, Ioannis Sarisberiensis, & Stephani  
Tornacensis ex bibliotheca Papirii Massoni Parisiis impressæ sunt  
anno 1611. sed eam a Geruasio II. ad Paschalem II. scriptam esse  
patet, primo ex vita Paschalis II. apud Massonum vbi hanc ad Pa-  
schalem II. scriptam refert: secundo quia scripta est post obi-  
tum regis Philippi, qui mortuus est anno 1106. tempore Paschalis II.  
& Iuonis, qui epist. 206. eiusdem Geruasii II. meminit.